

Anketa na temu migracija i integracija (anketa o migracijama)

O čemu se radi u anketi na temu „Migracija i integracija“?

Migracije i integracija jesu višeslojne teme o kojima postoje različita mišljenja. Putem ove ankete želimo da čujemo stavove ljudi iz svih grupa stanovništva.

Ove se informacije ne mogu pronaći u redovnim statistikama niti u bazama podataka tijela javne vlasti. Iz tog razloga ankete čine neizostavan izvor prilikom izrade zvaničnih izvještaja. Zato vas molimo za pomoć! Pruženim informacijama dajete značajan doprinos, jer samo kada svaki ispitanik i ispitanica savjesno i iskreno odgovori na postavljena pitanja možemo steći realnu sliku o stanju u Austriji.

Rezultati istraživanja bit će objavljena u Statističkom godišnjaku „Migracija i integracija“ i u „Izvještaju o socijalnoj i normativnoj integraciji“.

Koji je pravni osnov za sprovođenje ankete?

Učestvovanje u anketi ne podliježe nikakvim zakonskim obavezama davanja podataka i stoga je zasnovana na dobrovoljnosti. Za kvalitet podataka je, međutim, neophodan veliki obuhvat anketom. Anketu je naručio i finansira je Kabinet saveznog kancelara, a dio je od 2017. zakonski obaveznog praćenja integracija.

Ko sprovodi anketu?

Anketu sprovodi austrijski Zavod za statistiku Statistik Austria. Statistik Austria po javnom nalogu izrađuje kvalitetne statistike i analize o austrijskom društvu i privredi. Ovi podaci predstavljaju pouzdan osnov za donošenje odluka u politici, javnoj upravi, ekonomiji i međunarodnim institucijama. Statistik Austria preduzeće je u službi austrijske javnosti i nedobitno je. Tačnost, nepristrasnost, objektivnost i relevantnost jesu vodilje u radu zavoda za statistiku Statistik Austria. Kao vodeći pružalac usluga u oblasti informisanja Statistik Austria prikuplja najveće statističke uzorke koji omogućavaju izvođenje preciznih zaključaka o društvenom i privrednom životu. Pri tome se koriste savremeni instrumenti za obezbjeđenje kvaliteta.

Kako se biraju ispitanici?

Anketom nije moguće obuhvatiti sve osobe koje žive u Austriji zbog vremena i troškova koje bi to iziskivalo. Zato se biraju osobe koje bi što tačnije trebalo da oslikavaju svo stanovništvo nastanjeno u Austriji, odnosno podgrupe od značaja za anketu. Ispitanici se biraju nasumično, čime se osigurava da svako ima podjednake izgleda da bude učesnik ili učesnica.

Kako se odvija anketa?

Anketa o migracijama jeste anketiranje pojedinaca koje se može sprovesti na internetu putem laptop računara, pametnih telefona ili računara. Osobe izabrane za statistički uzorak dobijaju dopis s obavještenjem koji sadrži link ka upitniku na internetu i pristupne podatke (korisničko ime i lozinku).

O čemu se radi u anketi?

U upitniku ankete o migracijama očekujte pitanja o ličnim pogledima na temu migracija i integracije, npr. kako ocjenjujete suživot Austrijanaca i doseljenika, kako i koliko često i u kojim sferama života dolazite u kontakt s Austrijancima, odnosno s doseljenicima.

U sklopu ankete bit će prikazana samo pitanja relevantna za konkretnu osobu. Dalji tok pitanja zavisi od prethodno datih odgovora.

Šta dobijate kao zahvalnicu za učestvovanje?

Po završetku ankete dobijate vaučer za kupovinu u vrijednosti od 10 eura. Vaučer možete da iskoristite u brojnim prodavnicama i restoranima. Također se možete odlučiti za dobrovoljni prilog: Statistik Austria donirat će vaših 10 eura projektu za zaštitu prirode pod nazivom „Renaturacija visinskih močvara kao skladišta ugljen-dioksida“ (CO₂-Speicher-Hochmoorrenaturierung). Ako želite da saznate više o projektu zaštite prirode koji sprovodi javno preduzeće za gazdovanje šumama Österreichische Bundesforste AG, detaljne informacije možete pronaći u opisu projekta (dostupno samo na njemačkom jeziku).

Kako štitimo vaše podatke?

Migracija i integracija za mnoge osobe predstavljaju vrlo ličnu temu. Stoga se sa svim informacijama postupa na strogo povjerljiv način.

Opsežne informacije o zaštiti podataka o ličnosti u vezi s ovom anketom pronaći ćete u našem listu o [zaštiti podataka \(.pdf\)](#). Statistička tajna i zaštita vaših ličnih podataka spadaju u naša najvažnija [načela](#). Pored toga podliježemo austrijskom [Saveznom zakonu o zvaničnoj statistici](#), [Opštoj uredbi o zaštiti podataka o ličnosti](#) i [Zakonu o zaštiti podataka o ličnosti](#). Statistički podaci obrađuju se bez upućivanja na lično ime (pseudonimizovano). Ime prezime i adresa potrebni su samo radi stupanja u kontakt. Ovi se podaci čuvaju odvojeno od odgovora u bazi podataka i brišu se po završetku ankete. Iz podataka koji se podvrgavaju vrednovanju obrisani su lični podaci poput imena i adrese. Povrh toga se vrednovanje ne vrši u odnosu na pojedinačne osobe, već isključivo grupe osoba. U rezultatima se shodno tome više ne mogu prepoznati pojedinačni odgovori. U zaštitu podataka o ličnosti također spada zabrana dostavljanja podataka koji sadrže lične informacije, bilo državnim organima ili preduzećima.

Da li je anketa zakonski obavezna?

Nemate zakonsku obavezu da učestvujete u anketi. Učešće je potpuno dobrovoljno. Za učestvovanje također dobijate mali znak pažnje.

Kontakt

Možete nas pozvati na broj +43 1 71128–8994 (njemački i engleski)

Od ponedjeljka do petka između 9 i 15 sati (radnim danima)

E-mail: migration@statistik.gv.at